




Republika e Kosovës
Republika Kosova - Republic of Kosovo
AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY



DATË/A:	10.02.2022
REFERENC-Ë:	AKK- DPKPP /03-03-500/2022
PËR/ZA/TO:	z. Gani NEKAJ, Menaxher i Zyrës së Prokurim, Komisioni i Pavarur për Miniera dhe Minerale (KPMM)
CC:	z. Sali MULAJ, Zv. Drejtor, Komisioni i Pavarur për Miniera dhe Minerale (KPMM)
PËRMES/PREKO/THROUGH:	z. Yll BULESHEKAJ, Drejtor i Agjencisë kundër Korruptionit
NGA/OD/FROM:	Afrim ATASHI, Drejtor i Departamentit për Parandalimin e Korruptionit
TEMA/SUBJEKAT/SUBJECT:	Opinion lidhur me Tenderin me titull: " Servisim dhe mirëmbajtja e automjeteve SKODA "



Inderuar Nekaj,

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të Ligjit nr. 03/L-159 për Agjencinë kundër Korruptionit, nenit 9 (par. 1, nënpar. 1.5.), 16 (par. 2) dhe 21 (par. 3) të Ligjit nr. 06/L-011 për Parandalimin e Konfliktit të Interesit në Ushtrimin e Funksionit Publik, nenit 2 par.3 dhe të nenit 10 të Rregullores nr. 01/2018 për ndryshimin dhe plotësimin e Rregullores nr. 01/2014 dhe Rregullores nr. 01/2017, së Punës së Agjencisë kundër Korruptionit, lidhur me tenderin me titull: "**Servisim dhe mirëmbajtja e automjeteve SKODA**" me numër të prokurimit: 318/22/525/221, dhe me nr. të brendshëm: 318/22/001/221, Agjencia kundër Korruptionit ofron këtë:

OPINION

Me të cilin kërkohet nga ju si Autoritet kontraktues që t'i ndërmerrni të gjitha veprimet e nevojshme drejt evitimit të shkeljeve të evidentuara në lidhje me tenderin: "**Servisim dhe mirëmbajtja e automjeteve SKODA**" me numër të prokurimit: 318/22/525/221, dhe me nr. të brendshëm: 318/22/001/221, në mënyrë që të respektohen dispozitat përkatëse të Ligjit për prokurimin publik

“automjeteve SKODA” me numër të prokurimit: 318/22/525/221, dhe me nr. të brendshëm: 318/22/001/221, në mënyrë që të respektohen dispozitat përkatëse të Ligjit për prokurimin publik nr.04-L/042 i plotësuar dhe ndryshuar me Ligjin nr.04/L -237, Ligjin nr. 05/L-068 dhe Ligjin nr. 05/L-092.

Arsyetime

Agjencia kundër Korruptionit (në tekstin e mëtejmë Agjencia), duke vepruar sipas detyrës zyrtare pas kontrollimit të njoftimeve për konratë që ka bërë në Sistemin elektronik të Prokurimit, me datë 09 shkurt 2022, ka nxjerrë vendim me numër protokolli: AKK-03-03-501/22, për fillimin e procedurës për trajtimin e rastit në lidhje me aktivitetin e prokurimit publik me titull: “Servisim dhe mirëmbajtja e automjeteve SKODA” me numër të prokurimit: 318/22/525/221, dhe me nr. të brendshëm: 318/22/001/221, i iniciuar nga autoriteti kontraktues Komision i Pavarur për Miniera dhe Minerale (KPMM).

Agjencia në bazë të dokumenteve të nxjerra nga Sistemi Elektronik i Prokurimit ka analizuar njoftimin për konratë dhe dosjen e tenderit, ku ka konstatuar se autoriteti kontraktues, për këtë aktivitet të prokurimit ka paraparë procedurën e hapur, konratë publike, të llojit shërbime, me vlerë të mesme të parashikuar prej 15,000.00 €.

Në kuadër të rubrikës III.2.4. Kapaciteti teknike dhe profesionale kërkesa nr.2 , Agjencia vëren se, Autoriteti kontraktues *ka kërkuar nga operatorët ekonomik pjesëmarrës të ofrojnë dëshmi ku thuhet: Staf i prezantuar duhet të jetë në listën e pagave dhe duhet sjell dëshmia nga ATK*. Kurse tek dëshmia dokumentare ka kërkuara “*Të prezantohen kopjet e diplomave ose certifikatave te stafit dhe lista e stafit profesionale. Dëshmia nga ATK mbi përfshirjen e stafit në listën e pagave*”. Kërkesë kjo për të cilën konsiderojmë se bie ndesh me nenin 69 paragrafi 4.4 të Ligjit në fuqi për Prokurimin Publik.

Sipas dispozitave të Ligjit në fuqi për Prokurimin Publik dhe Rregullat dhe Udhëzuesit Operativ për Prokurimin Publik, autoriteti kontraktues mund të kërkojë minimumin e mesatares së fuqisë punëtore dhe stafit menaxherial për secilin nga 3 (tri) vitet e fundit, ku si dëshmi mund të kërkojë një deklaratë apo raport për fuqinë mesatare punëtore dhe numrin mesatar të personelit udhëheqës të operatorit ekonomik për secilin nga tri vitet e kaluara.

Po ashtu, te kërkesa nr. 3. ne kuadër të rubrikës III.2.4. Kapaciteti teknike dhe profesionale, Agjencia vëren se, Autoriteti kontraktues *ka kërkuar që servisi duhet të kryejë shërbimet në Prishtinë ose ne rrëthinën e afërt të Prishtinës*. Kërkesë kjo për të cilën konsiderojmë se bie ndesh me nenin 7 të Ligjit në fuqi për Prokurimin Publik.

Agjencia, konsideron se me formulimin e kësaj kërkese Autoriteti kontraktues ka bërë diskriminim territorial në kundërshtim me nenin 7 paragrafët 1, 2, 3 dhe 4 të Ligjit në fuqi për Prokurimin Publik

ku në paragrafin 1 në mënyrë decidive thuhet se “Autoriteti Kontraktues do ti trajtoj operatorët ekonomik në mënyrë të barabartë dhe jo- diskriminuese dhe do të veprojë në mënyrë transparente ”.

Paragrafi 2 i nenit 7 parasheh: “Autoriteti Kontraktues nuk do të ekzekutojë asnjë aspekt të aktivitetit të prokurimit në një mënyrë që redukton apo eliminon konkurrencën në mes të operatorëve ekonomik ose që diskriminon në dëm ose në të mirë te një ose më shume operatoreve ekonomik”.

Paragrafi 3 i nenit 7 parasheh: “Pa e cenuar paragrafin e mësipërm, Autoritetit Kontraktues posaçërisht i ndalohet që të përcaktojë nevojat e veta që duhet të përbushen, specifikojë lëndën që do të prokurohet, ndajë ose përbledh sasitë ose artikujt e tjerë që duhet të prokurohen, duke zgjedhur një procedurë të prokurimit, ose duke vendosur një kërkesë ose kriter të përzgjedhjes ose specifikacion teknik që në ndonjë mënyrë ka për qëllim të favorizojë ose diskriminojë kundër njërit ose më shumë operatorëve ekonomik”.

Në paragrafin 4 të nenit 7 parashihet: “Autoriteti Kontraktues nuk do të krijojë ose imponojë dhe do të marrë të gjitha masat e nevojshme për të parandaluar krijimin ose imponimin e rrethanave ose kushteve që rezultojnë në diskriminim territorial, fizik, material, personal ose organizativ ndërmjet operatorëve ekonomik”.

Me formulimin e kësaj kërkesë autoriteti kontraktues diskriminon operatorët ekonomik që nuk kanë servis në Prishtinë apo rrethinën e Prishtinës, dhe në të njëjtën kohë mund të krijoj kushte favorizuese për operatorët ekonomik që janë brenda Prishtinës apo rrethinën e Prishtinës.

Autoriteti Kontraktues në zbatim të nenit 7 të këtij Ligji, duhet të sigurojë pjesëmarrjen sa më të gjerë të mundshme të operatorëve ekonomik të interesuar. Për më tepër autoriteti kontraktues duhet të i‘u jap mundësinë operatorëve ekonomik të cilët nuk kryej shërbime të tillë në Prishtinë apo rrethinën të Prishtinës, që të nënshkruajnë marrëveshje bashkëpunimi, qiramarje me pikat e operatorëve ekonomik që ofrojnë shërbime të servist apo mirëmbajtjes, që ndodhen në Prishtinë apo rrethinën e Prishtinës.

Agjenci kundër Korrupsion, konsideron se veprimet e autoritetit kontraktues bien ndesh me nenin 7 Barazia në Trajtim dhe Jo-diskriminimi, si dhe nenin 69 paragrafi 4.4. Aftësitë teknike dhe profesionale të Ligjit për Prokurim Publik Nr.04/L-042, i ndryshuar dhe plotësuar me Ligjin Nr. 04/L-237, Ligjin Nr. 05/L-068 dhe Ligjin Nr. 05/L-092, dhe nenin 26.8 të Rregullave dhe Udhëzuesit Operativ për Prokurimin Publik.

Konsiderojmë se shkeljet e tillë nuk duhet lejuar ne aktivitete të prokurimit, andaj Agjencia kundër Korrupsion rekomandon që të evitohen këto shkelje, përmes njostimit standard për informata shtesë dhe përmirësimin e gabimeve, duke i njoftuar te gjithë operatorët ekonomik të cilët e kanë tërhequr dosjen e tenderit.

Po ashtu ju njoftojmë se lidhur me këto të gjetura do të njoftohet Komisioni Rregullativ i Prokurimit Publik – KRPP.

Autoritetet Kontraktuese e informojnë Agjencinë për veprimet e ndërmarra.

Me respekt !

